

# TIMOTEO I

Timoteo e Lisitera hao fuawec. Mimi-ticne â nenggoc-ticne jahe Juda nokac. Nenggoc-ticne e Miti Opâ ruacnekicne (Aposolo 16:1-13), mamac-ticne ine nîc qâpuc (Timoteo II 1:5). Timoteo e qieonectean miti manahuc juku sokawec (Timoteo II 3:15). Paulo e miti kîaŋ zâzâŋiŋ raku Lisitera hao fisirâ Timoteo motec bawec. Eme izia Paulo bâjâpehuc juwec sanaŋ. Ehuc miti giere bafickewec â kîaŋ rac warec ehuc juwec. Paulo e fuŋne-ticne Filipi 2:19-22 ira qârenkewec. Juku Timoteo soreme Efeso hao miti mamana guru hone soŋaŋ â hume keten ejarewec. E jahac ine Makedonia mârenko juhuc papia qârenkecnewec (gaŋ 1:3). Timoteo e Paulozi hâmoame Efeso haoa juwec.

Efeso hao nîc tucnezi miti qâsuahuc dâŋ hehesicne mupie haŋ bawec. Jage qâpucdâŋ â Judanîc jaŋere dâŋ â mitidâŋ i mâmac bâturepie sisifucne ewec. Eme Timoteo e dâŋ i hehâmoocte Paulozi bufac qacnewec (gaŋ 1). Erâ tutumaŋ-jeŋicko gae nunumure â miti mumure dâŋ mutâcnecnewec (gaŋ 2). Erâ mitire micne bapa â babafic juju bapa-jeŋicte dâŋ zuhuckewec (gaŋ 3). Erâ Timoteo e jahacne juju bapare mâmac qârenkewec (gaŋ 4). Zâhec ine hozec jaŋere dâŋ â soŋaŋ kîaŋ qaqa jaŋere dâŋ mutâcnecnewec (gaŋ 5 â 6:1-2), erâ nîc hehesicne jaŋere fuŋne rituwec (gaŋ 6:3-10), â Timoteo e sâmbâŋ boreŋte fotarieocte bufac qacnewec wâc (gaŋ 6:11-21).

## Jambuŋdâŋ

1 Paulo no Anutu bâbâpiaŋ-nâŋecte micte â Kristo Jesu mamana-  
-nâŋecte micte Kristo Jesure aposolo juekopaczi <sup>2</sup>mitio motec  
jâmbâŋ-nane Timoteo go papia zi qârenke-garekopac. Anutu Mamac â  
Wofuŋ-nâŋec Kristo Jesu eraonec aki anonoc â uruc jaŋ ŋ wama gorao  
fotâcnerâ fozejec.

## Mitire numusifuc irec dâŋ

<sup>3</sup>No Makedonia mârenko razo ehuc gazapo iŋuc ezemec, ehuc Efeso  
hao zuhuckerâ juhuc, nîc tucnezi miti musifuckeengopien jaŋe qatara-  
-jaretec behenzepien. <sup>4</sup>Jaŋe nemu binaŋ bahuc nîc gaŋne gaŋne juwefum-  
biŋ irec fuŋne qapie razic wefuc eme mu qaqataranehec fuaekac. Iŋuc epie  
Anutu manasiŋkehuc kîaŋ qaqacne i wahame sâqoreekac. <sup>5</sup>Miti mumure  
fârîne ine ziŋuc fuame sâckeocmu: Mantaniŋ â maŋzuruc â maŋ mamana-  
siŋhec juhuc maŋjaŋ bâfuazo. <sup>6</sup>Nîc tucnezi ine miti hata i qâsorierâ dâŋ  
jawane fârîmac bâfuambiŋ bajungopien. <sup>7</sup>Erâ jaŋacnere ziŋuc muenggopien:  
Nâŋe Mosere sâcmutâc dâŋ irec qaqazu, iŋuc murâ dâŋ kosa muhuc irec  
sanaŋ bâfuaengopien.

## Săcmutâc dân i njic hehesicne jaŋere mukicne

<sup>8</sup> Nâgâc sâcmutâc dânte zinguc manaenggopenen: I dân biagne, erâ fugne-ticne mana-hâmohuc bajuzo. <sup>9</sup> Fugne-ticne ine zinguc fokac: Sâcmutâc dân i njic bahacmâc jaŋere biŋe mi ekac, njic sindagne, rânggeŋe, araŋ bapa tâmiric, sâqocne bapa, maŋwânâŋhec, zaubacne, nengoc mamac sisipiric, zika qaqa, <sup>10</sup> boe sau njic, njiczia njicko sasac gie bapa, njic njokac fiuc rocjoparâ gâcne qikigne-jarehuc monen bâbâfua, burecnjic, Wofugte zâŋe muhuc burecko mumupaŋ ee, erâ wiac gâcne moc dân fari biaŋ râsi ecneekac, wiac ingucne eengopien jaŋere hâcne sâcmutâc dân mukicne. <sup>11</sup> Anutu juju aŋac rune ere Biŋebiaŋ eri tatamacnehec tahacnukicne izi hâcne inguc mufuakac.

## Jesuzi Paulo kiŋticne behehuc miti gie mucnewec

<sup>12</sup> Tâpiri narehuc basanaŋnuwec Wofuŋ-nâŋec Kristo Jesu e danŋe âzâcneekopac. Eki mana-nareme sâckeme betoŋnuhuc miti gie munarewec hâcne. <sup>13</sup> Juwicnao e musoriŋkehuc njicfâcne râsi ejarerâ jopa qâzâic ejarehape sifu inguc enarewec. No Wofugte fugne kâuc bahuc mamanasig-nane tâmiricte inguc epore akicnuwec. <sup>14</sup> Eme Wofuŋ-nâŋecte aki anonoczi norao qaja fuseme Kristo Jesuraonec mamanasig â maŋjaunhec epo. <sup>15</sup> Jesu Kristo e sâqocne bapa bâpiaŋ-nâpoocte mâreŋko wahawec, dân i fârine jâmbân â mâmâc sâko ro maŋ eenere sâc. Sâqocne bapa jaŋere micne no hâcne. <sup>16</sup> Eme Jesu Kristo e akicnurâ, uruc jaun-ticne ŋemâcne fokac, irec fugne norao furu jaha bataniŋkewec i mâc mâcne, njic zâheh mâsi i hâcne norao honerâ e manasiŋkerâ juju sanaŋko fisiniŋte inguc enarewec. <sup>17</sup> Juju sanaŋte Wofuŋ Sâko, mi hâhâmone â mi hohonene, Anutu sâko mocjaha hâcne, ere zâŋe biŋe â eri tatamac forazihuc juzejec sanaŋ. Jâmbomac.

## Mitire momori gie bazo

<sup>18</sup> Motec-nane Timoteo, qanaŋ gore findaŋdân fuawec irec sâcko dân mutâcne-garekicne i hâcne râe-garekopac. Go i bajuŋuc momori gie biaŋ sanaŋkerâ bazemec. <sup>19</sup> Erâ mamanasingge fozakierâ fohame mange soŋaŋketec qaqaacnea fozejec. Njic tucnezi maŋqaqac juju râpeckembiŋte mamanasig-ŋenŋic ŋengoroŋkeme qâsoriembiŋ. <sup>20</sup> Jaŋeraonec moc Himenaio â moc Alesande, eme jahe Satanzî bâzâic-jofakume mumusoriŋ-jekic behenicte erao râec-jofapo.

## Nunumure dân

**2** No bâbâni dân moc gaza qâmoc epe: Nunumu wâwâsic â danŋe mumuteg izi ŋaŋacne â njic gâcne sasawa dopec-jopahuc <sup>2</sup> njicwofuŋ â kia gawaman mâmâc dopec-jopanzepien. Eme soŋaŋ-nâpohapie wamao mâteŋne â mitine juhâmopene njiczi mana-nârepie fezejec. <sup>3</sup> Izi biaŋkeocmu,

1:8 Rom 7:12 1:10 Tim I, 6:3 1:11 Tim I, 6:15 1:12 Apo 9:15; Kor I, 15:9, 10; Gal 1:13-16  
1:15 Luk 15:2; 19:10 1:17 Rom 16:27 1:18 Tim I, 6:12; Jud 3 1:19 Tim I, 3:9; 6:10  
1:20 Tim II, 2:17; Kor I, 5:5 2:1 Fil 4:6 2:3 Tim I, 1:1; 4:10

â bâbâpiaŋ-nâŋec Anutu e irec maname sâckeocmu. <sup>4</sup>Eki ȋic mâmâc sasawa biankerâ dâŋ fâri qizecne mana maŋ eniȋte muekac hâcne. <sup>5</sup>Anutu mocjaha hâcne junârekac, erâ Anutu â ȋic ȋondeŋ-nâŋecko ȋicwirec-nâŋec mocjaha Jesu Kristo e ȋic ekicnezi junâre-fârekac. <sup>6</sup>Eki hâcne juju-ticne ȋikignehuc mâmâc sâko kiwiric-nâŋec rowec, irec biȋezi dameŋ-ticnao haŋ baocte. <sup>7</sup>No irec biȋe mumu â aposolo jupemurâ râecnukicne, erâ ȋic qâpuc dâŋ fâri qizecne â mamasasiȋte fuȋne jaza mutâc epemurâ qaqaŋu ȋie munarekicne. Dâŋ i burec mâcne, jâmbomac mukopac.

### ȋic â ȋokac jaȋere dâŋ

<sup>8</sup>ȋic jaȋere mukopac, jaȋe hae sâc aaric â maȋjahec tâmiric juhuc meȋenȋc qaqaŋe foha Anuturao sicnerâ numunȋerpienȋ. <sup>9</sup>Â ȋokac jaȋere mukopac, jaȋe ȋaȋi aickerâ rojuhuc rume rume juȋie izi eri-ȋenȋc ezeȋec, â qizec susuc-ȋenȋcko mâsi qâreŋ ee, me eri wiac furi sâko qoqonaŋ, me ȋaȋi hohonebâcne ro juju ine mi enȋzepienȋ. <sup>10</sup>ȋokac mitio juzo mungȋopienȋ eehâmo ȋie bapȋe sâckeocmu. <sup>11</sup>ȋokac jaȋe wahamicne juhuc ninȋkerâ hazec râehuc mamana ȋie banȋepienȋ. <sup>12</sup>ȋokaczi qaqaŋu ȋie baocte me ȋic qâhuc-jopaocte mi manacnekopac, e mâc rumerâ juȋeȋec. <sup>13</sup>Adam e bâbâni bâfuakicne â Ewa ine zâhec. <sup>14</sup>Adam e eesaic rune mi manacnewec, ȋokaczi ine manacnerâ qaqaŋara bâfuawec. <sup>15</sup>ȋokaczi motec roro-ticnere bianȋeocmu, ine mamasasiȋhec â maȋjaughec erâ maȋqaqaŋ junȋȋmu ȋokac i jaȋe ȋuȋc hâcne eniȋmu.

### Mitire micne bapa irec dâŋ

**3** Moc e mitire micne bapa juocte muocmu, e ȋie furi sâkore ecnekac muzu, dâŋ i jâmbomac. <sup>2</sup>Eme mitire micne bapazi bahacmâc juhuc ȋokac mocjahahec juȋeȋec, erâ maȋsowa juȋeȋec, eesifuc tâmiric metâne juȋeȋec, jaughec juȋeȋec, qaqaŋu ȋie basarickehuc bapane, <sup>3</sup>waȋȋ opâ âmbâŋ mi nâȋeȋec, zikafac aricne, urucne â wamane juȋeȋec, monenȋ mafare mubâre mi ezeȋec, <sup>4</sup>e jahacne wiacfâc sâcne soȋaŋ-jopazeȋec erâ pectâc juhuc naru motecfâcne mu bâtiȋ ejareme micrerenȋhec junȋepienȋ. <sup>5</sup>Moc e wiacfâc-ticne sâcne mi soȋaŋ-jopaocmu, e wemocko Anuture kikefuȋ mamac ejareocmu. <sup>6</sup>Erâ opâ ruac qâricne moczi mitire micne bapa mi juȋeȋec, ȋuȋcnezi penaroŋ eme Satanzȋ doc bazacte. <sup>7</sup>ȋic ȋokac kikefuȋko mi razimbiȋ jaȋe wâc manacneȋie sâckeekac ȋic ȋuȋcnezi mitire micne juȋeȋec, jaȋe musoriȋkeȋie Satanzȋ maȋne bâsifuckeme ere bitȋȋko kizacte.

### Babafic jaȋere dâŋ

<sup>8</sup>Babafic jaȋe ȋuȋc jaha ȋic metâne junȋepienȋ, nameȋ sosohoc—mi junȋepienȋ, waȋȋ opâ nâ âmbâŋ mi enȋzepienȋ, monenȋ mafare mubâre mi enȋzepienȋ. <sup>9</sup>Miti boreȋ soȋsoȋ fowarehuc juwec i maȋqaqaŋo ducketȋie

2:4 Eȋek 18:23; Pet II, 3:9 2:5 Rom 3:29, 30; Heb 12:24 2:6 Gal 1:4; 2:20; Tit 2:14  
2:7 Tȋm II, 1:11; Gal 2:7, 8 2:9 Pet I, 3:3-5 2:10 Tȋm I, 5:10 2:11 Efe 5:22 2:12 Kor I, 14:34;  
Fuf 3:16 2:13 Fuf 1:27; 2:7, 22; Kor I, 11:8, 9 2:14 Fuf 3:6; Kor II, 11:3 3:1 Apo 20:28  
3:2 Tit 1:6, 7 3:4 Sam I, 2:12 3:7 Tȋm I, 5:10; Kor II, 8:21; Kor I, 5:12, 13 3:8 Fil 1:1;  
Apo 6:3

fozejec. <sup>10</sup> Jagne wâc qanaŋ ba esâic ejarezo; eme fuŋne-jenic hone manac epie sâckeme gie jarezo. <sup>11</sup> Ŋonânfâc-jenic jage iŋuc jaha metâne junzepieŋ, gupe micko âkec mi enzepieŋ, maŋsowa juhuc wiac sasawa mu bac epie fâri fideteŋ efârezejec. <sup>12</sup> Bâbafic mo e ŋokac mocjahahec juzejec. Naru motecfâc-ticne â wiacfâc-ticne sâcne soŋaŋ-jopazejec. <sup>13</sup> Eme babafic moc e gie-ticne bame biankeme maŋte juju zae bianne bâfuaocmu â Kristo Jesurao qohotahuc giere afecke-hâmoocmu.

### Mitire gumi â hobeteŋne

<sup>14</sup> No gorao biac fâpemurâ manasuhuc sifu kecziŋucte dâŋ zi qâreŋke-garekopac: <sup>15</sup> Wiac moczi niŋgiŋnume jupe zorame Anuture ficko ju bac ezore fuŋne kâuc bazic. Anutu jujune ere kikefuŋfâc jage hâcne ficticne, erâ wâc dâŋ fâri qizecnere gumi â hobeteŋne juŋgopieŋ. <sup>16</sup> Miti-nâŋecte fuŋne qame hukicne mutaniŋkeengopeneŋ i qeŋ bipinehec:

E sahacko fua tâcnekicne,  
Mârozi fuŋne bataniŋkekicne,  
aŋelozi honekicne,  
qâpucko biŋene mukicne,  
mâreŋ sâc mana maŋ ekicne,  
eri tatamacko bafekicne.

### Sataŋzi ŋic maŋ bâsifuc ejareme miti âke sipuniŋmu

**4** Mâro e qanaŋ ziŋuc mujaŋgeŋkerâ muekac: Juku zâhec ŋic tucnezi miti beherâ maŋ bâsifuc bâbâfua jaŋere eeatuc dâŋko â demon jaŋere burecdâŋko qohotaniŋmu. <sup>2</sup> Ine burecŋiczi maŋjenic zukiwic bakicnere ŋic eatuc-jopahuc ziŋuc jazaengopieŋ: <sup>3</sup> "Ŋokac mi rohuc ŋiczeŋoŋ juzo â nânâ gâcne mi nâhuc irec sowa juzo." Nânâ i Anutuzi râe-fârewec, erâ mamana-siŋhec juhuc dâŋfâri mana maŋ embenzi dange âzâcnehuc nanaŋte muwec. <sup>4</sup> Anuturaonec wiac fuakicne i bianne sasawa. Erâ dange âzâcnehuc nâ bac eengopeneŋko qaqatarene mi fokac. <sup>5</sup> I Anuture dâŋzi â nunumuzi jambuŋkekicne hâcne.

### Maŋzi aafec gie bazo

<sup>6</sup> Go opâ ruac dâŋ i jaza qâmoc ecmu, ine Jesu Kristore kiŋaŋŋic dâŋ rereŋhec jucmu, ehuc mamanaŋte dâŋ â mitire dâŋfuŋne fârine mana rerêŋ ewaremeŋ izi maŋgere nâŋiŋ eha jucmu. <sup>7</sup> Â qeŋokac qizec dâŋ wose murarane ine qikiŋnezemec. Go Wofuŋ manasiŋkehuc jucmurâ maŋzi aafec bazemec. <sup>8</sup> Sahacte aafec gie bapa izi fâfârine, â maŋ baafeckehuc Wofuŋ manariŋ qâriŋ eecne ine fârine. Izi zira mâreŋko â juku sambâŋko juju bâfua-nâreocte mukicne. <sup>9</sup> Dâŋ i fârine jâmbâŋ â mâmâc sâko ro maŋ eenere sâc. <sup>10</sup> Irec fârine hâcne ronante gie amec fâfâuc baengopeneŋ, ine mumusoriŋzi fai-nâŋecko feipieha Anutu jujune ere mamanaŋko juhuc

3:11 Tit 2:3    3:15 Tim II, 2:20; Efe 2:19-22    3:16 Joh 1:14; 16:10; Rom 1:4; Mar 16:19  
4:1 Tim II, 3:1; Pet II, 3:3; Jud 18; Joh I, 2:18    4:3 Fuf 9:3; Kor I, 10:30, 31    4:4 Fuf 1:31  
Apo 10:15    4:7 Tim I, 1:4; 6:20; Tim II, 2:16, 23; Tit 1:14; 3:9    4:8 Tim I, 6:6    4:9 Tim I, 1:15  
4:10 Tim I, 2:3, 4

eengopeneg. E hâcne mâreŋ sâc ȋic jaŋere bâbâpiaŋ juekaczi mamanasig-hec nâŋâcne ejâmbânkeekac.

### Timoteo juju bapa-ticnere dâŋ

<sup>11</sup> Dâŋ mukopac sasawa i jaza mutâc ezemec. <sup>12</sup> Go motec qâri jukic irec ȋic jaŋe gore manapie wawâhane mi ezejec. Go manjaunhec â mamanasig-hec â manqaqachec jutec miti mumugezi â juju bapagezi opâ ruac guru hata jowatuzejec. <sup>13</sup> Woȋec-nane juhuc miti wose qazuc â jaza qâmoc ehuc juzemec. <sup>14</sup> Micne bapa jaŋe Mâroraonec dâŋ mufuahuc mejenic qizecgao râehuc jambungumbig, jambuŋ irec fârine sifucke-garezacte bâiŋ basawec ezemec. <sup>15</sup> Go irec mana mezac ehuc giege bazihuc batec fârine fuarâ fua ehuc fome hone-fârenzepieŋ. <sup>16</sup> Gahacne maŋ sahaç soŋaŋkehuc mitire dâŋfuŋne furu mimic foŋareocte mâmâc soŋaŋkezemec. Go i hâcne paŋzâic bajuzemec. Iguc ecmuo ine dâŋge manaengopieŋ jaŋe mecne â go gahacne mâmâc juju bianko fisiniŋmu.

### Mu tutuc â mu bâtiŋ irec dâŋ

**5** ȋicqizec moc dâŋ âzâcnemurâ fâfâcnehec mi ecnezemec, mamac-nane muhuc urucko mu tutuc ecnezemec, ȋicmotec hahac qafâc-nane muhuc sâcȋenicko jaza bâtiŋ ejarezemec. <sup>2</sup> ȋokac qizec nengocfâc-nane muhuc iguc jaha uruc jaunċdâŋ jazazemec, ȋokac sahaç qâri seŋfâc-nane muhuc rucge bahuc dâŋ wiac jazazemec.

### Hozec bâmec bajarezo

<sup>3</sup> Hozec sâsec-jopahuc dâŋjenic dopeckezemec, hozec jâmbân jaŋere mukopac. <sup>4</sup> Hozec moc naru motec me ȋosafâcne juniŋmu, ine jaŋe qanaŋ jaŋacne ficko miti gie bahuc ȋic ȋokac qizefâc-jenic jaun-jopanzepieŋ, ehuc juwicnao wiac ejarekicne irec tofa bazunzepieŋ. Anutu e irec maname sâckeocmu. <sup>5</sup> Hozec fârine ine e jahackoan juhuc Anuturao roweckeekac, ehuc ȋafe furec nunumu wâwâsic ecneekac. <sup>6</sup> Â hozec moc sasec gie baocmu ere ine qâricnezi hâmocne mucnezo. <sup>7</sup> Dâŋ i wâc jaza sanâketec manarâ bahacmâc junzepieŋ. <sup>8</sup> Moc e wiacfâcne â soctofafâcne hone jaun â kime dopec mi ejareocmu e miti beherâ qâpuç sanâ ewec mucnezo.

### Hozec fuŋne-jenic manazo

<sup>9</sup> Hozec moc jara-ticne 60 bazuwec, erâ ȋic mocjahahec juwec, igucne sawa zâŋe-ticne bâmec papiao râezo. <sup>10</sup> Erâ eehâmo gie bawec me mâcne, irec fuŋne taniŋkeocte kecziŋuc mu wioc ezo: Naru motec rocjoparâ gume jowac ejarewec me mâcne? Erao ȋic furune fisipie hezu hewâneŋ ejarewec me mâcne? Mitigic bâmec bajarewec me aricne? Jaun gie fuŋne fuŋne bawec me mâcne? Fuŋne-jenic iguc hâcne manazo. <sup>11</sup> Hozec sahaç qâri jaŋe zâŋe-jenic bâmec papiao feocte mupie ine qatara-jarezemec. Igucne jaŋe sasecte ejareme Kristo qâoma ecnerâ ȋicte sahaç bapa eengopieŋ.

<sup>12</sup> Erâ mârâc dân mupaŋkembij i qâsuapie bahacnehec eekac.

<sup>13</sup> Erâ wâc gie tâmiricte ficbiri juhuc oma qâoma erâ juengopien, erâ i sawa mâcne, dân jawane â simbiŋne kosa wosepie feekac. <sup>14</sup> Irec no zinguc mukopac: Hozec sahac qâri jaŋe ɲic mocwâc rorâ naru motec rocjoparâ dete mamac â ro rikec qâ rikec enzepien. Iguc ehuc jupie kisâ jaŋe sâqocnere ojowa banigmurâ dân basarâ behenzepien. <sup>15</sup> Hozec gâcne jaŋe ine biac hata qâsoriembij Satañ bâjâpeengopien. <sup>16</sup> Hozec moc e miti ɲokac mocte ficko juhuc gie bafickeme ine eki bâmec bacnezejec, â qâqâhâc-jenjickonec mi rozejec, qâqâhâc-jenji i hozec waha qaqane jaŋere ezejec.

### Sonaj jaŋere dân

<sup>17</sup> Sonajzi gie-jenji baple blan̄keme wiac bafehuc ehâmo-jarezo, ine miti mumu â qaqazu gie paŋzâic baengopien jaŋe hâcne iguc ejarezo. <sup>18</sup> Miti papiao dânqâreŋ zinguc hâcne fokac: "Bulimakaozi gi bagarehuc sopâc kecqaŋ nâzo mume mi sakarecnezemec." Erâ moc zinguc: "Gie bapa ɲic e furi fuacneme sâckeocmu." <sup>19</sup> ɲic mocjahazi sonaj moc dânko râezo mume mi manacnezemec, ɲic 2 me 3 jaŋe mupie ine manarâ giene bazemec. <sup>20</sup> Moczi bahac bâfuame âgo guru jaŋere maio mu bâtiŋ ecnetec gâcne jaŋe manahuc hâwic-jopazejec wâc. <sup>21</sup> No Anutu â Jesu Kristo ere maio â aŋelo bufunfâc-ticne jaŋere maio keczinguc mupaŋke-garekopac: Dân gaza qâmoc ekopac i aimuŋ sonajkehaŋ moc mi wahazejec, ehuc mangere ɲic ɲokac wiac sâctiri moc mi ejarezemec. <sup>22</sup> Go ɲic miti giere fâro ehuc biac mi jambuŋ-jopazemec, jaŋere kiŋzi gore faio fezacte. Gahacne maŋ sahac sonajketec qaqacnea fozejec.

### Hucte dân â sâqocne fufuare dân

<sup>23</sup> Go bukiki â huc zâic gâbâ egareekacte opâ sawa mi nâzemec, waig opâ afecne mac nâzemec wâc. <sup>24</sup> ɲic tucne jaŋere sâqocne i fugne babataniŋ damen̄ mi maickeha qanaŋ fua tanigkeekac, tucne jaŋere sonsoŋ foku zâhec fuaocmu. <sup>25</sup> Eme eehâmo gie i iguc jaha fua tanigkeekac, â iguc mi eekacko sonsoŋ foku zâhec fua tanigkeocmu.

### Kiŋaŋ qaqa jaŋere dân

**6** Kiŋaŋ qaqa jungopien jaŋe sasawa bombonfâc-jenji sâsec-jopahuc rume-jarenzepien, Anuture zâŋe biŋe babawaha â miti susure fuazacte iguc enzepien. <sup>2</sup> Erâ bombonfâc-jenji gâcne opâ ruac jaŋe ine zinguc mi muhuc bawahac-jopanzepien: "Mitio sâcnâŋec mocjaha engopenen̄." Aricne, "bombonfâc-nâŋec jaŋe Wofuŋ manasiŋkepie âgo jaun̄ ejareekacte ehâmo-nâreengopien", iguc muhuc kiŋaŋ maŋafec jaha qajarepie sâckeocmu. Go dân i jaza mutâc ehuc faŋ qajarezemec.

**Monej mafare andac mi ezo**

<sup>3</sup>Moc e dân i âke sipurâ moc muhuc Wofuŋ-nâŋec Jesu Kristo ere dânbiar qikiŋnehuc miti hatare sâcmutâc râpeckeekac ere ziguç muzu: <sup>4</sup>E mangâc erâ sahaç-ticne bafehuc dân giŋkeme giŋ bazihuc muraocmu, izi sasac-ticne eocmu hâcne. Eme irec iinguuŋ, hehefaric, mumusorig, qoqoric, <sup>5</sup>erâ wâc mu qaqatarac hati fuaekac. Ŋic igucne jaŋe maŋjenic sifuckerâ mamana-jenic zikeme, monej mafa fua-nârezejec muhuc miti bajuniŋte muengopieŋ. <sup>6</sup>Miti babajuzi jâmbomac sahacte dope bâbâfua-nârene, mocjaha mukârŋ tâmiric bajunzepeneŋ. <sup>7</sup>Ziguç manasunzepeneŋ: Fuananŋte mâreŋko metariŋ warembeŋ, juku hâmonanŋte iguc jaha metariŋ jaha ranagmu. <sup>8</sup>Eme irec hâcne nânâ wiac â ŋaqi qoruc fonâreme manapene sâckeha junzepeneŋ. <sup>9</sup>Monej mafa sâko qâhâckezo munigmu, jaŋe eesâicte wiwiticko fenigmu, erâ wiac omane fuŋne fuŋnere sasac bâfuarâ mana utuckehuc sipirickenigmu. <sup>10</sup>Monej mafare andaczi sâqocne gâcnere jâcne hâcne. Ŋic tucnezi irec harac ehuc miti hata qâsorierâ bužâic sâko bâfuambig.

**Juju sananŋte hezakiezo**

<sup>11</sup>Anuture ŋic go wiac igucne geŋkezemec. Ehuc tiŋke biar erâ mitiheç â mamasanigheç â maŋjaunheç â sasanagheç â buuruchec ecmurâ irec fotac qatariezemec. <sup>12</sup>Erâ mamasanigte juju gie biar bazemec. Baku juju sananŋte hezakiezemec. Go irec hâcne hefârecgukicne, erâ go gahac iguc ecmurâ ŋic tutumangko mupaŋketec manambig. <sup>13</sup>Anutu wiac sasawa juju bâfua-jareekac ere maio â Jesu Kristo kia Pilatorao mumupaŋ fârine muwec ere maio musanangke-garekopac: <sup>14</sup>Go sâcmutâc dân mugarekicne i bâbâsifuc tâmiric â bâbâbiene tâmiric reŋkehuc juhanŋte Wofuŋ-nâŋec Jesu Kristo fisizejec. <sup>15</sup>Irec dameŋ maickeme juju aŋac â tâpîri buc focneekac Anutu hâcne, eki motâc rome fua tanigkeocmu. E ŋicwofuŋ jaŋere Wofuŋ Sâko â fekicne jaŋere Fekicne. <sup>16</sup>E bucticne hâhâmo tâmiriczi, tatamac moczi moc mi rarazine irec magnaoc juekac. E ŋic moczi moc mi honekicne erâ mi honezo. Mumumbiar â tâpîri focneweczi focnehuc juocmu sananŋ. Jâmbomac.

**Hobeteŋne fofo sananŋ bâfuazo**

<sup>17</sup>Ŋic mârenŋte monej mafa qâfonŋe fojarekac jaŋe jazatec sahaç-jenic mi bafehuc wiac sisirowenere manapie izi hobeteŋne-jenic eme ira mi âtesignenzepieŋ. Anutu e mâriri bâfua-nâreme nâ bac ehuc jueŋgopeneŋ erao âtesignenzepieŋ. <sup>18</sup>Erâ mujaretec buafec â bokifac erâ eehâmo gie bahuc mitire fârine bôcjaha bâfuanzepleŋ. <sup>19</sup>Ehuc hobeteŋne-jenic moc fofo sananŋ i bâfuarâ juju fârine rauckenzepleŋ.

6:3 Gal 1:6-9; Tim II, 1:13 6:5 Tim II, 3:8; 4:4; Tit 1:14 6:6 Tim I, 4:8; Heb 13:5; Fil 4:11, 12  
 6:7 Mi Mu 5:15; Hio 1:21 6:8 Muq 30:8 6:9 Muq 23:4; 28:22 6:10 Efe 5:5 6:11 Tim II, 2:22  
 6:12 Kor I, 9:25, 26; Tim II, 4:7 6:13 Joh 18:36, 37; 19:11 6:15 Tim I, 1:11; Bar 17:14;  
 Sâc 10:17 6:16 Wah 33:20 6:17 Mi Ma 62:10; Luk 12:20; Rom 12:16 6:19 Mat 6:20

**Timoteore unswañ dân**

<sup>20</sup>O Timoteo, go merâfâc garekicne i sonagkehuc bajuzemec. Erâ dân jawane â fârimâc, ñic gâcnezi bajúhuc zâgene "dân qame hukicne" muenggopien, i qikignezemec. <sup>21</sup>Ñic tucnezi dân ira hâcne qohotahuc mamasinje hata qâsoriembij. Aki anonoczi ñogerao fosejec.